



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitularia Regvm Francorum

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

CLV. Gelasij II. bulla de privilegiis monasterij Caunensis in dioecesi  
Narbonensi.

**urn:nbn:de:hbz:466:1-22974**

crabilliter ad diversos ordines sacrantur. Valente, & orate pro me.

## C L V.

*Gelasij II. bulla de privilegijs monasterij Caunenſis in diocēſi Narbonenſi.*

An. 1119.  
Ex archivo  
Archiepiſcopi  
Narbonenſis.

**G**elasij Episcopus servus servorum Dei dilecto filio Arnaldo Caunenſis monasterij Abbati ejusque successoribus regulariter substituendis in perpetuum. Omni petenti nos tribuere evangelicis præceptis instruimus. Idcirco venerabilium fratrum nostrorum Narbonenſis & Arelatenſis Archiepiſcoporum petitionibus, Caunenſe monasterium, cui Deo auctore præſides, cum omnibus ad ipsum pertinentibus, ad exemplar prædecessoris nostri sanctæ memoriæ Urbani Papæ sub apostolicæ sedis tutelam excipimus, quod videlicet monasterium à bonæ memoriæ Karolo Imperatore per Milonem Comitem ædificatum, & tam ab ipſo quàm à filio e us Lodoico ac nepote Carolo æquè Imperatoribus ad honorem sanctorum Apostolorum Petri & Pauli per regalia scripta munium est. Præſentis igitur decreti auctoritate statuimus ut ejusdem loci libertas, sicut à supradictis Imperatoribus collata est, firma in perpetuum conservetur. Id est, ut nullus iudex publicus, nullus curiæ minister, ipsius Ecclesiæ colonos citra Abbatis & fratrum voluntatem distringere nec ex rebus monasterij census aut vectigalia quolibet præsumant exigere. Quicquid autem vel in Narbonenſi vel in Minerbenſi seu Carcaſenſi aut Redenſi aut Albiensī pago Caunenſe monasterium possidet, ab omnium hominum molestia vel inquietudine liberum maneat. In pago siquidem Narbonenſi ab ipsiſ prædictorum Imperatorum temporibus Ecclesiam sancti Pauli, & salinas in loco qui dicitur à Cagacanes, & insula quæ dicitur Dumanas. In Minerbenſi villam quæ dicitur Libras cum Ecclesia sua, villam Bajani cum Ecclesia sua, Viteſiam cum Ecclesia sua, partem villæ Trenciani, partem de Villare, partem villæ Abrenſis, partem villæ de Campolongo, villam de Cros cum Ecclesia sua. In montana, Spinacia cum villis suis, partem villæ Raberti. In Carcaſenſi villam sive Ecclesiam sancti Fructuosi, Ecclesiam sancti Laurentij, villam Baniolas cum Ecclesia sua, villam Palazol cum Ecclesia sua, Orris cum Ecclesia sua, partem villæ Glujani. In Redenſi villam Recemiro cum Ecclesia sua. In Albiensī Ecclesiam sancti Amancij. Item in Carcaſenſi partem villæ de Fonte cooperta. Ad hæc adiacentes decernimus ut quæcunque hodie idem monasterium justè possidet, sive in futurum concessione Pontificum, liberalitate Principum, vel oblatione fidelium justè atque canonicè poterit adipisci, firma tibi tuisque successoribus & illibata permanent. Nulli ergo omnino hominum liceat idem monasterium temerè perturbare aut ejus possessiones auferre, vel ablatas retinere, minuire, vel temerariis vexationibus fatigare; sed omnia integra conserventur eorum pro quorum sustentatione & gubernatione concessa sunt usibus omnimodis profutura. Nec idem monaste-

Tom. II.

rium alij violenter subſiciatur, quædum in eo regularis disciplina vigor Domino præſente perſiſterit. Salva Narbonenſis Archiepiſcopi canonica reverentia, Obvante nunc ejus loci Abbate vel tuorum quolibet ſucceſſorum, nullus qualibet ſubreptionis aſtutia ſeu violentia præponatur, niſi quem fratres communi conſenſu vel fratrum pars conſilij ſanioris ſecundum Dei timorem & beati Benedicti regulam vel de ſua vel de aliena, ſi oportuerit, congregatione providerint eligendum. Sepulturam quoque ejuſdem loci omnino liberam eſſe decernimus; ut eorum qui illic ſepeliri delibaverint devotioni & extremæ voluntati, niſi forte excommunicati ſint, nullus obſiſtat. Si qua igitur in futurum eccleſiaſtica ſeculariſve perſona, hanc noſtræ conſtitutionis paginam ſciens, contra temerè venire tentaverit, ſecundo tertiove commonita ſi non ſatisfactione congrua emendaverit, poteſtatis honorique ſui dignitate careat, reamque ſe divino iudicio exiſtere de perpetrata iniquitate cognoſcat, & à ſacraſſimo corpore & ſanguine Dei & Domini redemptoris noſtri Jeſu Chriſti aliena fiat, arque in extremo examine diſtrictæ ultioni ſubjaceat. Cunctis autem eidem loco juſta ſervantibus ſit pax Domini noſtri Jeſu Chriſti; quatenus & hunc fructum bonæ actionis percipiant, & apud diſtrictum iudicem præmia æternæ pacis inveniant. Amen.

Ego Gelaſius Eccleſiæ Catholicæ Episcopus ſubſcripti. Signum manus meæ. *Deus in loco ſancto ſuo.*

Data Autuſicæ per manum Grifogoni ſanctæ Romanæ Eccleſiæ Diaconi Cardinalis xiiii. Kal. Jan. Indiſtione xiiii. dominicæ incarnationis anno m c xviiii. pontificatus autem Domini Gelaſij ſecundi Papæ anno primo.

## C L V I.

*Libellus divortij Guillelmi Raimundi de Montecatano Senefchalli Barcinonenſis & Beatricis uxoris ejus.*

**C**unctis innotescere volumus qualiter Guillelmus Raymundi Senefcalcus & uxor ejus Beatrix se præſentaverunt ante Archiepiſcopum Tarraconenſem. Erat enim quæſtio inter eos de conjugio ſuo, utrum poſſent in eodem conjugio remanere. Qui auditis & diſcuſſis eorum rationibus, & acceptis probationibus non ſine ſacramento, judicavit divortium debere fieri inter eos. Vnde amici eorum compoſuerunt pacem hoc modo inter eos. Laudaverunt ſiquidem ipſum honorem qui ſuit Berengarij Raimundi Montſcatani ita inter ſe haberent. Primum quidem ut ipſas dominicaturas, dum ipſa viveret, haberent per medium, ſtaticam verò caſtrorum per ſingulos annos habeat ſex menſibus Guillelmus Raimundi, & Beatrix ſex aliis menſibus, donec ipſa maritum accipiat. Milites autem ipſius honoris faciunt hominum Beatrici, eò quòd ſi Guillelmus Raimundi hoc ei frangere tentaverit, valeant Beatrici & teneant ſe cum illa donec habeat in vita ſua medietatem omnium dominicarum & ſtaticam ſancti Martialis per meliorationem cum labora-

FFFF ij

An. 1157.  
Ex archivo  
regio Barcinonenſis.